

ТОШКЕНТ ҲАҚИКАТИ

1928 йил 11 декабрда асос солинган

Таширифидан айланай, қаро кўзим, Наврўзим!

Шукӯх Гарчи киш қаҳратони ўз ҳақини бергиси келмаётган бўлсада, ҳализамон юртимиз дала-қирларини силаб-сий-палаб муаттар шабадалар эсади, дов-дарахтлар кўшга жилмайиб, гул тутиш пайида, бўғотларда бийрон қушчалар шодон ирғишлайди,

ялпиз иси гуркираб турган ариқларда сувлар қўнғироқ чалиб оқади. Ўлкамизда баҳор таровати, баҳор секинчлари, баҳорий туйғулар...

Баҳор элимизнинг энг суюкли байрами Наврўзни етаклаб келди. Янги кун, янги тонг, янги умид ва орзулар...

Ардоқлигим, Наврўзим! Сенинг бошинга оғир кунлар ҳам тушди. Бир вақтлар бадном қилишга ҳам уриндилар. Собиқ мафкура пешволаридан бири сени диний маросим деб эълон қилди. Битта имони суёт шоир унга, лаббайка, деб дарров шеър битди, сенинг муборақ номинга қора чаплади. Оқибатда ўзининг бети қора бўлиб, неча йилгача одамларнинг юзига қарай олмай юрди. Ҳолбуки, зукко шоир ва олим Умар Хайём, "Наврўзнама" асаарида, Наврўз баҳор байрамидир, йил бошидан дарак берувчи бу халқ сайри 2600 йилдан бери Шарқ халқларининг орзиқиб қутилган севимли маросимидир, деб ёзади.



Давоми 4-бетда. ➡

Қобилжон ФОҒУРОВ олган сурат.

Ўзбекистон Республикаси Марказий сайлов комиссиясининг ҚАРОРИ

Бўшаб қолган ўринга Ўзбекистон Республикаси Олий Мажлиси Сенатининг аъзоси сайловини ўтказиш тўғрисида

Ўзбекистон Республикасининг "Ўзбекистон Республикаси Олий Мажлисига сайлов тўғрисида"ги Қонуни 61-моддаси ва "Ўзбекистон Республикаси Марказий сайлов комиссияси тўғрисида"ги Қонуни 5-моддасига мувофиқ Ўзбекистон Республикаси Марказий сайлов комиссияси

ҚАРОР ҚИЛАДИ:

1. Бўшаб қолган ўринга Ўзбекистон Республикаси Олий Мажлиси Сенатининг аъзоси сайловини ўтказиш бўйича Тошкент вилояти давлат ҳокимияти вакиллик органлари депутатларининг қўшма мажлиси 2016 йил 26 март кuni соат 10.00 да Тошкент вилояти Чирчиқ шаҳри Кимёгарлар маданият саройи биносида ўтказилиши белгилансин.
2. Мазкур қарор Халқ депутатлари Тошкент вилояти Кенгашига ижро учун юборилсин.
3. Ушбу қарор Ўзбекистон Республикаси Марказий сайлов комиссиясининг расмий веб-сайтида ҳамда "Тошкент ҳақиқати" ва "Ташкентская правда" газеталарида эълон қилинсин.

Марказий сайлов комиссияси Раиси **М. АБДУСАЛОМОВ.**

Тошкент шаҳри, 2016 йил 16 март.

ТАДБИРКОРЛАР ҲАҚИ УНДИРИБ БЕРИЛДИ

Хабарингиз бор, мамлакатимизда ишбилармонлик муҳитини янада яхшилаш, тадбиркорлик фаолиятини ривожлантириш мақсадида амалдаги қонун ҳужжатлари билан кенг қўламли шароит, имконият ва имтиёзлар яратилмоқда. Тадбиркорлар ишига ноқонуний аралашши, тўсқинлик қилиш, давлат хизматлари кўрсатиш тартибини бузиш, ҳуқуқ ва қонуний манфаатларига тажовуз қилишга қарши қатъий чоралар кўрилмоқда.

Қонун ҳимоясида

Фаолияти тўхтаб қолган тадбиркорлик субъектлари ва уларда йўқотилган иш ўринларини тиклаш мақсадида вилоят прокуратура, адлия, солиқ, статистика органлари, Савдо-саноат палатаси, банк ва бошқа идоралар ҳудудий тузилмаларининг маҳаллий ҳокимликлар билан ҳамкорликдаги ишчи гуруҳлари тузилиб, улар ҳар ой тадбиркорлар, жумладан, қўшма ва хорижий корхоналар вакиллари билан учрашувлар ташкил этишяпти. Хусусан, ўтган йили фаолиятини тўхтатган 236 та тадбиркорлик субъектлари фаолияти тикланиб, 676 та иш ўрни яратилди. Шу жумладан, яширин иқтисодий фаолият юритаётган 549 фуқаронинг қонуний тадбиркорлик фаолияти билан шугулланиши таъминланди.

Давоми 2-бетда. ➡

Вилоят ҳаёти

Баҳорий насимлар эсаверади

Дилларга сурур бахш этиб, юртимизга Наврўз ташириф буюрмоқда. Шаҳар, қишлоқ, овул ва маҳаллаларда баҳорий байрам шодоналиги давом этмоқда.

Зангиота туманида ҳам эрта наҳордан дошқозонларда сумалаклар, ҳалим, ош дамланиб, ёш қари жамланиб, Наврўзни шодон қарши олишди. Дов-дарахтлар гулларга бурканган. Карнай-сурнай наволари, ёшларнинг куй-қўшиқлари яллаю лапарларга улашиб кетди.

– Байрам тантаналари вилоятимизнинг барча ҳудудлари, қорғона ва ташкилотларда

давом этмоқда, – дейди "Нуроний" жамғармаси вилоят бўлими раиси Нурмуҳаммад Абдуллаев. – Бу йилги Наврўзнинг шукӯхи ўзгача. Бунинг бунинг вилоят бўйлаб ободонлаштириш ва кўчаларнинг тартиб-аъдоби бўлиб, қўшма давом этаётгани, жойларда меҳр-мурувват, савоқ тадбирлари кенг қўлаб берилгани ҳам кўриш мумкин.

Наргис ҲАСАНОВА.

Янги қувват — янги имконият

"Олмалик кон-металлургия комбинати" ўзининг Жиззаҳдаги цемент заводи қувватини 1 миллион тоннагача ошириш бўйича истиқболли лойиҳаларни ҳаётга татбиқ этмоқда.

Айни пайтда мутахассислар хорижий ҳамкорлар билан биргаликда ушбу вазифани амалга ошириш борасида иш олиб бормоқдалар. Унга қўра, бу ерда иккита янги тегиридон ҳамда маҳсулотни ҳаво босими орқали ҳайдов-

чи қўшимча линиялар барпо этилаёпти. Умуман, бунинг учун 35 миллион 800 минг АҚШ долларлик сармоя йўналтирилатгани лойиҳанинг қўлами ва аҳамиятини билдириб турибди.

Ўз мухбиримиз.

Икки сотих ерда ўн беш минг гул

Байрам кунларида Ўрта Чирчиқ тумани "Мустақиллик" маҳалласида истиқомат қилувчи Фарҳод Ўрмонов хонадонидан чиннигул ишқибозларининг қадами узилмайди.

Хонадон аъзолари мўъжаз иссиқхонада анвойи гуллар етиштиришнинг ҳадисини олишган. Қизиги, бу ердаги икки сотих жойда 15 минг дондан ортиқ гул тайёрланади. Айни пайтда

томорқа эгалари бодраб очилаётган чиннигулларни вилоят ва пойтахтимиздаги байрамолди гул савдоси нуқталарига пешмапеш етказиб беришмоқда.

Алишер РАҲМАТОВ.

МЕҲР ҚОЛУР...

Президентимизнинг жорий йил 19 февралдаги "2016 йилги Наврўз умумхалқ байрамига тайёргарлик кўриш ва уни ўтказиш тўғрисида"ги

Қарори ижроси доирасида Ўзбекистон Касаба уюшмалари федерацияси кенгаши ҳам жойларда турли байрам тадбирлари ташкил этмоқда.

Ғамхўрлик

Оҳангарон шаҳридаги "Саховат" уйида бўлиб ўтган тадбирда кексалар, жисмоний имконияти чекланган инсонлар иштирок этди.

Қарор доирасида ка-

саба уюшма фаоллари кўмағида "Саховат" уйи ҳудуди ободонлаштирилди. Мева ва манзарали дарахт кўчатлари ўтказилиб, янги бог барпо этилди.

Шу кун "Касаба уюшмалари – фахрийларга" акцияси бошланди. Унинг доирасида Оҳангарон шаҳрида яшовчи меҳнат фахрийлари хонадонларига бориб, сов-

галар топширилди.

– Биз, кексалар давлатимиз ва халқимиз ғамхўрлигидан баҳрамандмиз, – дейди фахрий педагог Мухайе ая Эшонкулова. – Байрам тадбирлари арафасида хонадонимизга йўқлаб келувчилар кўлайди. Қарияларга юксак ҳурмат-эҳтиром кўрсатиб, ёшлар камолоти йўлида барча шароитларни яратиб бераётган Юртбошимиздан миннатдормиз.

И. АБВАЛБОВ,
Ў.А.

ЭРТАК ҚАҲРАМОНЛАРИ ИНГЛИЗЧА СЌЗЛАЙДИ

Давлатимиз раҳбарининг "Чет тилларни ўрганиш тизимини янада такомиллаштириш чора-тадбирлари тўғрисида"ги Қарорига мувофиқ, ўғил-қизлар мактаб оstonасидаги илк қадамлариданоқ хорижий тилларга ўқитилмоқда. Жумладан, Пискент туманидаги 6-умумтаълим мактабида чет тилини ўргатиш-

нинг интерфаол усулларидан кенг фойдаланилаёпти. Дарс жараёнида аудио ва видео-материаллар, мультимедиа воситаларини қўллаш яхши самара бераёпти. Ўқувчиларга ҳам яқка тартибда, ҳам гуруҳларга бўлиб машғулот ўтилади.

Давоми 2-бетда. ➡

«ЎЗБЕКИСТОН МИНТАҚАДА ТИНЧЛИК ВА БАРҚАРОРЛИКНИ МУСТАҲКАМЛАШГА МУНОСИБ ҲИССА ҚўШМОҚДА»

Бирлашган Миллатлар Ташкилотининг Нью-Йоркдаги қароргоҳида ташкилотнинг олти расмий тилида Ўзбекистон Республикасининг халқаро тизимлар билан ҳамкорлиги тўғрисидаги ахборот материали БМТ Бош Ассамблеяси 70-сессиясининг расмий ҳужжати сифатида тарқатилди.

Эътироф

Унда, жумладан, 1992 йили БМТнинг тенг ҳуқуқли аъзолари сафига кирган мамлакатимизнинг Бирлашган Миллатлар Ташкилоти билан ўзаро ҳамкорлиги натижалари ҳам ўзифодасини топган. Ҳужжатда 24 йил давомида республика БМТ ва унинг турли йўналишлардаги иxtисослашган муассасалари билан самарали ҳамкорлик қилиб келаётгани қайд этилган. Хавфсизликка замонавий таҳдид ва хавф-хатарлар, оммавий қиргин қуролларини тарқатмаслик, экология муаммоларини ҳал этиш, жумладан, Орол денгизи инқирози оқибатларини юмшатиш, ижтимоий-иқтисодий тараққиёт, инсон ҳуқуқларини ҳимоя қилиш

ва рағбатлантириш ўзаро ҳамкорлигининг асосий устуворликлари сирасига кириши санаб ўтилган.

Таъкидланганидек, Ўзбекистоннинг тинчликпарвар сиёсати, унинг минтақада хавфсизлик ва барқарорликни таъминлаш бўйича саъй-ҳаракатлари БМТ фаолияти билан ҳамроҳандир. Республика амалда қуролсизланиш ва ядро қуролларини тарқатмаслик соҳасидаги барча муҳим халқаро битим ва шартномаларнинг иштирокчиси ҳисобланади. Ўзбекистон Президентини Ислам Каримов ташаббус билан, биринчи бўлиб БМТ минбаридан жаҳон ҳамжамияти эътиборига ҳавола этил-

ган ғоя туфайли Марказий Осиё ядро қуролидан ҳоли ҳудудга айланди.

Мингйиллик ривожланишнинг юқори мақсадларига эришиш БМТ фаолиятида муҳим ўрин тутадиги, улар сўнгги ўн беш йил давомида барча давлатлар учун мажмуаий мўлжал бўлиб келди. Барқарор ривожланиш мақсадлари – келажакка мўлжалланган янги кун тартибидир. Шу боис, мазкур ҳужжатда маълум қилингандек, Мингйиллик ривожланиш мақсадларининг амалга оширилиши даври мубайнида Ўзбекистон ўз ҳаракат режасини муваффақият билан бажарди ва Барқарор ривожланиш мақсадлари доирасида янги мўлжаллар забот этилиши ҳам ўзининг муносиб ҳиссасини қўшишга интилади.

Шунингдек, ахборот материалда жорий йилда ўзининг 15 йиллигини нишонлайдиган Шанхай Ҳамкорлик Ташкилоти билан мамлакатимизнинг ўзаро ҳамкорлиги тўғрисидаги маълумотлар ҳам ўз аксини топган.

Унда қайд этилганидек, ШХТнинг асосчи давлатларидан бири бўлган Ўзбекистон ушбу ташкилот фаолиятида фаол иштирок этмоқда.

Ўтган йиллар давомида расмий Тошкентнинг саъй-ҳаракатлари туфайли мазкур давлатларaro бирлашма фаолиятининг турли қирраларига алоқадор бўлган, ташкилот доирасидаги ҳамкорлики кенгайтиришга доир муҳим ҳужжат ва қарорлар қабул қилинди, дея хабар қилинади ахборот материалда. Айнан Ўзбекистон пойтахти – Тошкентда терроризм, айирмачилик ва экстремизмга қарши кураш борасида ташкилотга аъзо давлатлар мутасадди органларининг ҳамкорлигини мувофиқлаштиришга масъул бўлган ШХТнинг ўта муҳим органларидан бири – Минтақавий аксилтеррор тузилмаси фаолият кўрсатмоқда.

Ахборот материалда қайд этилганидек, 2015 йил 11 июлдан буюн Ўзбекистон ШХТ раиси ҳисобланади. Ўз раислиги доир-

расида республика ташкилот фаолиятининг самарадорлигини оширишга катта ҳисса қўшди. Ўзбекистоннинг ШХТ халқаро алоқаларини ривожлантириш, унинг меъерий-ҳуқуқий заминини мустаҳкамлаш, минтақада хавфсизлик ва барқарорликни таъминлашга йўналтирилган ташаббуслари ишлаб чиқилган ва ҳаётга татбиқ этилмоқда.

Ҳужжатда Ўзбекистон Республикасининг халқаро майдондаги ташкилот фаолиятига юқори баҳо берилган. Қайд этилганидек, Тошкентнинг саъй-ҳаракатлари боис 2010 йили ШХТ ва БМТ котибиятлари ўртасида ҳамкорлик тўғрисидаги Қўшма декларация имзоланди. Расмий ҳамкорлик ибтидосини бошлаб берган ушбу муҳим ҳужжатнинг қабул қилиниши замонамизнинг долзарб масалалари ҳал этилишида икки йирик тизим саъй-ҳаракатларини бирлаштиришга мустаҳкам пойдевор қўйди.

"Жаҳон" АА,
Нью-Йорк.

ЭЪТИБОРДАН КЎНГИЛЛАР ОБОД



Ибрat

Ўзбекистон Қизил Ярим ой жамияти Ўрта Чирчиқ тумани бўлими ташаббуси билан "Маърифат" маҳалласида ташкил этилган тадбирда маҳалла фаоллари, уруш ва меҳнат фахрийлари ҳамда ёшлар иштирок этди.

Қатнашчилар 86 ёшли Раънохон ая Усмонованинг хотирларини марок билан тинглади. Бу бежиз эмас. Ая турмуш ўртоғи Ақромжон ота билан ўн фарзандни вояга етказишди. Бугун улар турли соҳаларда жамият ривожига муносиб ҳисса қўшмоқдалар. Маҳаллада шундай пири бадавлат 60 кекса истиқомат қилади. Аҳолининг 500 нафари ёш

лар. Бундай учрашувлар уларда фахрийларга ҳурмат ҳиссини мустаҳкамлайди, албатта. — Яратганга шукр, юртимиз тинч, осмонимиз мусоффо, — дейди Раъно ая. — Биз сингари кексалар доимо иззат-икромда, ҳурмат-эътиборда. Ёшлар бундай замоннинг қадрига етишлари, Ватанга муносиб хизмат қилишлари керак.

Жамиятнинг туман бўлими меҳр-шафқат ҳамширалари ва ёшлардан иборат кўнгилли гуруҳлари ёлғиз кексалар ва ўзгалар кўмагига муҳтож фуқароларга хизмат кўрсатмоқда. — Биз, ёшларнинг ўқиб, ҳунар эгаллаб, Ватанимизга хизмат қилишимиз учун барча шарт-шароитлар яратиб берилмоқда, — дейди кўнгиллилар гуруҳи раҳ-

бари Гулчеҳра Султонова. — Туманимиздаги ахборот технология ва сервис коллежининг 2-босқичида таҳсил олиш билан бир вақтда Қизил Ярим ой жамияти туман бўлими ўтказган тадбирларда иштирок этгач, гуруҳимиз билан унинг кўнгилли аъзоси бўлиш

га қарор қилдик. Зеро, ёрдамга муҳтожларга кўмак бериш хайри иш. Қолаверса, биз шундай тинч замонда яйраб, ўсиб-улғаяётган эканмиз, бунда кексаларнинг хизмати катта. **Юлдузхон МУҲИДДИНОВА,** "Тошкент ҳақиқати" мухбири.

СУРАТДА: Раъно ая ёшлар даврасида.

Мансур НАХАЛОВ олган сурат.

ИНСОН ҲАЁТИ – АЗИЗ

Нишондорларимиз

750 кишига биринчи ёрдам кўрсатиш, 200 дан ортиқ автотранспортларни эвакуация қилиш, бахтсиз ҳодиса сабаб йўқолган болани топиш, автохалокатга учраган ҳайдовчиларни жарликдан олиб чиқиш, қор кўчкисидан жабрланган 300 фуқарони хавфсиз жойларга кўчиришда жасорат кўрсатди. Халқ, Ватан олдидаги бундай жасоратлар ҳеч қачон эътиборсиз, рағбатсиз қолмаган. Республи-

ка Президенти ва вилоят ҳокими билан хуқуқни муҳофаза қилиш органлари, Мудофза ва Фақулдада вазиятлар вазирикларни ходимларидан бир гуруҳини мукофотлаш тўғрисидаги Фармонига мувофиқ, Дилшод Ақромов "Жасорат" медали билан тақдирланди. — Байрамга муносиб тўхфа бўлди, — дейди у. — Оила аъзоларимнинг хурсандлигини айтмай-сизми?! Меҳнатларим



лика Президенти ва вилоят ҳокими билан хуқуқни муҳофаза қилиш органлари, Мудофза ва Фақулдада вазиятлар вазирикларни ходимларидан бир гуруҳини мукофотлаш тўғрисидаги Фармонига мувофиқ, Дилшод Ақромов "Жасорат" медали билан тақдирланди. — Байрамга муносиб тўхфа бўлди, — дейди у. — Оила аъзоларимнинг хурсандлигини айтмай-сизми?! Меҳнатларим

борганимда катта ўғлим Арслонбек: "Мен ҳам сизга ўхшаб кутқарувчи бўлиб, медал оламан" деганида кўнглим тоғдек қўтарилди, — дейди Д. Ақромов. — Ота учун бундан ортиқ бахт борми?!

Нозима РАСУЛОВА, "Тошкент ҳақиқати" мухбири.

СУРАТДА: Дилшод Ақромов (ўртада) ҳамкасблари билан.

Даврон АХМАД олган сурат.

Семинар

Бобомиз Абу Али ибн Синонинг тери касалликларига кўнгилли асбоби маърифати ҳақидаги фикри бугун ҳам муволажаларда асқотмоқда.

Тўғри ташхис — Ярим муолажа

Соғлом она ва бола йили муносабати билан вилоят тери-таносил касалликлари диспансерида ўтказилган семинарда шу ҳақда сўз борди. "Дерматология амалиёт мактаби" мавзuida ташкиллаштирилган амалий семинарда республика ихтисослаштирилган Дерматология ва венерология илмий-амалий тиббиёт маркази ходимлари, Тошкент тиббиёт академиясининг профессор, доцент ва магистрлари, вилоят дерматовенерологлари, врач-лаборантлари иштирок этди.

Биласизми, тери касалликларига турли ички ва ташқи омиллар сабаб бўлади, — дейди шифокор-дерматовенеролог Яхё Айдуғдиев. — Шу нуктаи назардан қараганда, уни даволашдан кўра олдинки олган, шу билан бирга хасталик аломатларини барвақт аниқлаш маъқул. Зеро, тўғри ташхис — ярим муолажадир.

Амалий семинар давомида вилоят шаҳар ва туманларидан келган 90 га яқин бемор кўриқдан ўтказилиб, уларга аниқ ташхис қўйилди, керакли маслаҳат ва тавсиялар берилди.

Ирода НОРБЕКОВА, "Тошкент ҳақиқати" мухбири.

ҲАР КУНИМИЗ НУРАФШОН

Агар огоҳ сен...

Ҳар куни эрталаб қадрдон маҳалламнинг соқини кўчаларидан ишга борар эканман, қалбим ғурур, ифтихорга тўлади. Шундай обод, овоз Ватан, дориламон замонда яшаш насиб этганига шукроналар келтираман. Ана, йўл бўйидаги ўрик оппоқ либосга бурканибди, ариқ чеккасида бодраб ўсётган яллизи иси эса кўнгилга ажиб туйғу бағишлайди. Демак, бу яна бир қутлуғ байрам — Наврўзи олам ташрифидан дарак.

Йўқ, уларнинг Ватани ҳам, ота-онасию, миллати, ҳатто дин-имони ҳам йўқ. Бундай кимсалар эндигина оқ-қоранга таний бошлаган ёшлар тагини захарлаб, ўз Ватанига хиёнат қилишга ундайдилар. Улардан эҳтиёт бўлиш, ҳар қадамда огоҳ, ҳушёр туриш кераклигини ўйлаб: "Ҳар ишнинг индаллоси оиладан, қолаверса, маҳалладан бошланади.

Уйингизни, фарзандларингизни ёт кўзлардан, ниёти бузуқ, ноқас одамлар кўчкисидан асранг, шунда овоз Ватанимизни, бебаҳо бойлигимиз — тинчлигимизни сақлаган бўламиз", дегим келади. **Ҳодича НУРМАТОВА,** Зангиота тумани, Чоштөпа қишлоғи, "Иқбол" МФЙ бошланғич хотин-қизлар кўмитаси раиси.

ЭРТАК ҚАҲРАМОНЛАРИ ИНГЛИЗЧА СЎЗЛАЙДИ

Бошланғич 1-бета.

Бошланғич синфларда инглиз тили турли йўнлар тарзидаги машғулотлар, оғзаки нутқ дарслари шаклида ўрга-

тилади, — дейди мактаб директори Баҳодир Ниёзов. — Шу усулда улар алифбо, ўқиб ва грамматикани ўзлаштиришга тайёрланади. Чет тили фани ўқитувчиси болаларнинг

имконият ва қобилиятларини, психологиясини яхши билиши, педагогик маҳорати билан уларни қизиқтира олиши керак. Болалар инглиз тилини тезроқ ўрганишлари

га ёрдам бериш учун мактабда "Камалак" кўғирчоқ театри ташкил этилди. Энди ўзбек халқ эртаклари инглиз тилида сахналаштирилади. — Болажонларнинг тил ўрганишга иштиёқи кучли, — дейди инглиз тили ўқитувчиси Хушсуза Фозинова. — Қизиқarli йўнлар тарзида ташкиллаштирилган дарслар болаларни зериктирмайди, фаол бўлишга ундайди.

Мўқаддас ИСРОИЛОВА, "Тошкент ҳақиқати" мухбири. Мансур НАХАЛОВ олган сурат.



ТАДБИРКОРЛАР ҲАҚИ УНДИРИБ БЕРИЛДИ

Вилоят прокуратураси органлари 2015 йилда 46 тадбиркор манфаатига 239 млн. сўм пул маблағларини ундириш юзасидан ҳўжалик судларига аризалар киритиб, тўлиқ қаноатлангилари таъминлади. Прокуратура аралашуви билан тадбиркорларга 1,3 млрд. сўм кредит маблағлари ажратилди, рухсатнома ва лицензия олиб берилди. 226 млн. сўм қонуний ҳақи ундирилди, ортиқча ундирилган 1 млн. сўм маблағи эса, қайтарилди, 591,7 гектар ер ажратилди.

Юқори Чирчиқ туман бандликка кўмаклашиш ва аҳолини ижтимоий муҳофаза қилиш маркази инспектори Ў. Турсунбоев назорат қилувчи органлар фаолиятини мувофиқлаштирувчи органнинг рухсатсиз "Болус" МЧЖ ва "Машина трактор парк" ОАЖда текшириш ўтказгани аниқланиб, туман прокуратураси Турсунбоевга нисбатан маъмурий жавобгар-

ликка тортиш ҳақида иш қўзғайди. Вилоят солиқ бошқармасининг "Маман Улуғбек" хусусий корхонасида ўтказган текшириш натижасига кўра, асосиз ҳисобланган 11 млн. 311 миң сўм қўшимча солиқ қўллаш ҳақидаги қарори бекор қилинди ва бошқарма масъул ходимлари интизомий жавобгарликка тортилди.

2015 йил давомида ўтказилган назорат тадбирларида 200 та тадбиркорлик субъектлари ҳуқуқлари бузилгани, жумладан, уларнинг фаолиятига асосиз аралашилгани, ортиқча йғим қилинган, тадбиркорлар манфаатини поймаол этувчи қарор қабул қилинган, мурожаатлар кўриб чиқилмагани ҳамда ноқонуний текширишлар ўтказилгани аниқланиб, уларни бартараф этиш юзасидан тегишли прокурор назорати ҳўжжатлари қўлланилди.

Ж. Ўрунов, вилоят прокуратураси бўлим бошлиғи.

Бошланғич 1-бета.

"Тошкент ҳақиқати"га жавоб берадилар

Газетанинг шу йўл 10 февраль сонида юқоридаги сарлавҳа остида чоп этилган мақолада Оққўрғон тумани тиббиёт бирлашмасини реконструкция қилиш узрли сабабларсиз чўзилиб кетгани танқид қилинганди.

Тахририят ушбу мақолага вилоят "Ягона буюртмачи хизмати" инжиниринг компанияси директори вазифасини вақтинча бажарувчи Ш. Исломов имзоси билан жавоб хати олди. Унда куйидагилар баён этилган:

"Вилоят ҳокимлиги капитал қурилиш бўйича "Ягона буюртмачи хизмати" инжиниринг компанияси Оққўрғон тумани тиббиёт бирлашмаси (150 ўринли туғуруқ бўлими ва 200 қатновлик поликлиника)ни реконструкция қилиш юзасидан шуни маълум қиладики, ушбу объект вилоятнинг 2015 йўлга мўлжалланган манзилли рўйхатига киритилган. "Kovcheg-At" МЧЖ компаниямиз буюртмаси асосида тайёрлаган лойиҳа-смета ҳўжатлари вилоят давлат экс-

«ПУДРАТЧИ БЕТАЙИН БЎЛСА...»

пелтиза бошқармасида тегишли хулоса олинган. Вилоят ҳокимлигининг пудрат танлов савдоларини ўтказувчи комиссиясининг 2015 йил 2 февралдаги баённомасига мувофиқ, "And Construction" МЧЖ мазкур объектни реконструкция қилиш бўйича танлов қобили, деб топилган. Мазкур баённомага асосан, компания билан "And Construction" МЧЖ ўртасида 2015 йил 3 февралда пудрат шартномаси тузилган. Шартнома қиймати 2 миллиард 950 миллион сўм, муддати 253 кун қилиб белгиланган. Шунингдек, 2015 йил 31 мартда қўшимча келишув тузилган ва объектнинг нархи 2 миллиард 902 миллион 198 миң 304 сўмга ўзгарган.

Пудрат шартномаси асосида "And Construction" МЧЖ томонидан дастлаб қурилиш-монтаж

ишлари олиб борилган. Жумладан, 2015 йилнинг май ойи учун 814 миллион 427 миң 598 сўмлик ва июнь ойи учун 267 миллион 763 миң 25 сўмлик, жами 1 миллиард 82 миллион 90 миң 623 сўмлик бажарилган ишлар маълумотнома ҳисоб-фактураси компаниямизнинг бириктирилган мутахассиси томонидан қабул қилиб олинган. Дастлабки 30 фоиз бўнак маблағи ва бажарилган ишлар учун 1 миллиард 588 миллион 423 миң 905 сўм маблағ компаниямиз томонидан пудратчи ташкилот "And Construction" МЧЖнинг ҳисоб рақамига ўтказиб берилган.

Кейинчалик пудрат ташкилоти раҳбарига нисбатан ҳуқуқни муҳофаза қилиш идоралари томонидан жинойи иш қўзғатилгани сабабли объекта ба-

жарилиши лозим бўлган ишлар ниҳоясига етказилмаган.

Компаниямиз мазкур ҳолат юзасидан пудрат ташкилоти "And Construction" МЧЖга бир неча бор расмий мурожаат қилган ва 2015 йил 13 октябрда "And Construction" МЧЖнинг билдирги хатини олган. Хатда пудрат ташкилотининг миллионий аҳволи ноқарор экани, мазкур объекта бажарилган қурилиш-монтаж ишлари учун ўтказиб берилган маблағлар 2014 йилдаги кредиторлик қарзларини ёпиш учун сарфлангани, ҳозир ҳисоб рақамда "карто-тека-2" мавжудлиги сабабли тушган маблағларни сарфлай олмаслиги, объектни ўз муддатда топширолмаглигини инобатга олиб, "And Construction" МЧЖнинг раҳбари Т. Солиев инкор хати бераётгани билдирилган.

Юқоридагилардан келиб чиқиб, амалдаги қонунчиликка биноан бошқа пудратчи ташкилотни аниқлаш ва қолдиқ ишларини якунлаш чора-тадбирлари қўрилган. Жорий йилнинг биринчи чораги якуни билан объектни фойдаланишга топшириш режалаштирилган.

ЭЪЛОН

Ўзбекистон Республикаси Адлия вазирлиги куйидаги нотариус лавозимларига танлов ўтказишни эълон қилади!

Юқори Чирчиқ тумани давлат нотариал идорасига 1 нафар Ўзбекистон Республикаси Адлия вазирлиги куйидаги нотариус лавозимларига танлов ўтказишни қайта эълон қилади!

Ангрен шаҳар 2-сон давлат нотариал идорасига 1 нафар Ангрен шаҳар 3-сон давлат нотариал идорасига 1 нафар

- Танловда катнашиш учун куйидаги ҳўжжатлар тақдим этилиши лозим:**
1. Комиссия номига ариза;
 2. Паспорт нусخаси;
 3. Белгиланган шаклда тўлдирилган шахсий варақа;
 4. Меҳнат дафтрасининг нотариал ёқи иш жойида тасдиқланган нусхаси;
 5. Олий юридик маълумот тўғрисидаги дипломнинг нотариал тасдиқланган нусхаси;
 6. Талабдорнинг малака имтиҳонини топширганлиги тўғрисида Малака комиссиясининг қароридан кўчирма (малака имтиҳонини топширган, лекин нотариус лавозимига уч йўл мобайнида ишлаганидан талабдор эса малака имтиҳонини қайта топширганлиги тўғрисида Малака комиссиясининг қароридан кўчирма);
 7. Охириги иш жойидан берилган меҳнат фаолияти тўғрисидаги тавсифнома.

Танловда йигирма беш ёшдан кичик бўлмаган, олий юридик маълумотга, юридик мутахассислик бўйича камида уч йўл муддатли иш стажига эга бўлган, шу жумладан, белгиланган тартибда стажировкани ўтаган, малака имтиҳонини топширган Ўзбекистон Республикаси фуқароси иштирок этиши мумкин.

Танловда иштирок этишни хоҳловчи фуқаролар 2016 йил 31 март кунига қадар Тошкент вилояти Адлия бошқармасига мурожаат этишлари лозим.

Манзил: Тошкент шаҳри, Ш. Руставели кўчаси, 93-ўй.
Телефонлар: (0-371) 280-51-04, 280-51-03.

ИЖТИМОЙ РЕКЛАМА

Хўжалик юритувчи субъектлар диққатига!

Юридик макомга эга бўлган корхона ва ташкилотлар раҳбарлари ҳамда масъул ходимлари Ўзбекистон Республикаси Давлат статистика қўмитасининг 2015 йил 2 ноябрдаги 4-мб-сон қарори (Адлия вазирлигида рўйхат рақами 2718-сон, 2015 йил 13 ноябрь) билан тасдиқланган иловаларига мувофиқ қуйидаги давлат статистика ҳисобот шакллари:

- 1-SQK (чет эл инвестициялари ва хорижий сармоя иштирокидаги кичик саноат корхоналари) бир марталик сўрвонамасини 2 апрелдан,
- 1-korxona shakli (тижорат корхоналари (кичик тадбиркорлик субъектлари, фермер хўжаликчлари, банклар, биржалар, суурта ва бошқа молия-кредит ташкилотларидан ташқари), 2-moljya shakli, 1-innovatsiya shakli, 1-innovatsiya shakli (чет эл инвестициялари ва хорижий сармоя иштирокидаги корхоналар) йиллик давлат статистика ҳисоботларини 2016 йил 25 мартдан;
- 1-KB shakliga ilova (energo) (ассоий фаолият тури саноат бўлган кичик корхоналар), 1-KB shakli, 1-KB shakliga ilova (QM), 1-KB shakliga ilova (kom), 1-KB shakliga ilova (AKT), 1-KB shakliga ilova (QX), 1-KB shakliga ilova (eko), 1-KB shakliga ilova (tib) ва 1-KB shakliga ilova (tur) (чет эл инвестициялари ва хорижий сармоя иштирокидаги кичик корхоналар ва микрофирмалар) йиллик давлат статистика ҳисоботларини 25 мартдан кечиктирмасдан электрон

имзодан фойдаланган ҳолда интернет тармоғи орқали топширингиз юзасидан огоҳлантириб ўтадим. Интернет тармоғи воситасида, давлат статистика ҳисоботларини электрон кўринишда йиғиш автоматлаштирилган тизими eStat 2.0 орқали электрон рақамли имзодан фойдаланган ҳолда тақдим этилади. eStat 2.0 тизимида мавжуд давлат статистика ҳисоботларининг электрон шакли (шаблонини) Ўзбекистон Республикаси Давлат статистика қўмитасининг расмий веб сайти www.stat.uz дан олишингиз мумкин.

Давлат статистика кузатувини олиб бориш учун зарур бўлган ҳисобот ва бошқа маълумотларни тақдим этишда маълумотларни тақдим этиш мuddатларини бузиш Ўзбекистон Республикаси Маъмурий жавобгарлик тўғрисидаги қодексининг 215-моддасида белгиланган жавобгарликка сабаб бўлиши юзасидан эслатиб ўтадим.

Юқоридаги ҳисоботларни тақдим этишни хўжалик юритувчи субъектлар рўйхати бошқармасининг расмий веб сайти www.toshvilstat.uz га жойлаштирилган.

Тошкент вилояти статистика бошқармаси.

РЕКЛАМА ҲУҚУҚИДА



«Тошкентгазтаъминот»

унитар корхонаси

юртимиз аҳлини янгилашиш ва баҳор байрами

Наврӯз айёми

билан мубаракбод этади.



«БЕКОВО ДЦЕМЕНТ»

унитар корхонаси

бағри кенг ва меҳри
дарё халқимизни



Наврӯзи олам

билан қутлайди.



РЕЕСТР № 19-03-22-06-ЎЗР-7-2016 ТАБИЙ ГАЗ УЧУН ТАРИФЛАР

2016 йил 1 апрелдан жорий этилади.

Умумий кўрсатмалар

- Ушбу прејскурант тарифлари Ўзбекистон Республикаси ҳудудида аҳолига етказиб бериладиган табиий газга тааллуқлидир.
- Иситиш ускуналари туридан қатъи назар, аҳоли томонидан ҳовли ва кўп қаватли уйлари иситишда табиий газдан фойдаланиш учун тўлов беш ойлик иситиш мавсуми давомида ҳар ой ҳисобидан белгиланган.
- Корхоналарнинг Республикаси Вазири Кенгаши, виллоятлар ва Тошкент шаҳар ҳокимликлари томонидан иситиш мавсуми беш ойдан ортиқ ёки кам қилиб белгиланган тақдирда газдан фойдаланганлик учун истеъмолчилар билан тегишли тарзда ҳисоб-китоб қилинади.
- Истеъмолчи (абонент)ларда иккита ёки ундан кўп газ плитаси ёки иссиқ сув таъминоти учун иситиш бўлса, ушбу ускуналар учун газ сарфлаш меъёри икки марта ёки ундан кўпроқ оширилади.
- Газ ўлчагичлар ўрнатилган ҳовли ва кўп қаватли уйларида фойдаланилган газ учун тўловлар газ ўлчагичлар кўрсаткичи ва ушбу прејскурантда белгиланган тариф бўйича тўланади.
- Фойдаланилган газ учун тўлов миқдорини аниқлашда хондоннинг барча аъзолари, шу жумладан, вақтинча яшашчилар ҳам ҳисоба олинади.
- Иситилган хоналар дегадга, бутун фойдали ҳажми иситиш ускунаси қаерда жойлашганидан қатъи назар, яшаш хоналари, ваннахоналари, ошхона, ички йўлақлар, шунингдек, иситиш ускуналари бор бошқа хоналар (веранда, терасса, ойнаванд балконлар ва бошқа қўшимча қурилишлар) тушунилади.

- Прејскурантнинг 2-бўлими тарифлари Ўзбекистон Республикаси Вазири Маҳкамасининг 2002 йил 28 мартдаги 99-сонли ва 2003 йил 2 октябрдаги 421-сонли қарорлари билан тасдиқланган аҳолига етказиб берилган табиий газ сарфи меъёрлари ҳисобга олинган ҳолда ишлаб чиқилган.
- Иситилган хона меъёри бир кишига 43 куб метр қилиб белгиланган.
- Хоналарни меъёрда белгиланган ҳажмда (43м³/киши) иситиш учун фойдаланилган газ ҳақи белгиланган тариф бўйича, меъёрдан ортиқча ҳажми учун эса бир ярим баробар миқдорда тўланади.
- Автоном сув иситиш ва қозонлар орқали иссиқхона (теплица) ва оранжереяларни иситиш, яъна тартибда меҳнат фаолиятини юритиш чоғида таъдир, овқат пишириш учун фойдаланилган газ ҳақи улгуржи истеъмолчилар учун белгиланган тарифларда олинади. Газ ўлчагичлар йўқ бўлса, газ сарфи кечаю кундуз ишлаган газ ёки ускуналарнинг энг юқори қуввати ва иситиш мавсумига тузилган шартномада белгиланган тартибда аниқланади.
- Ушбу прејскурантнинг "Умумий кўрсаткичлар"и, агар қўшимча прејскурантда бошқа кўрсатилмаган бўлса, бошқа барча қўшимча прејскурантларга ҳам тегишлидир.
- Ушбу чакана тарифлар Ўзбекистон Республикаси Молия вазирлиги илгари тасдиқлаган (2015 йил 15 сентябрь, реестр № 19-03-22-05-ЎЗР-92-2015) нархлар ўрнига 2016 йил 1 апрелдан жорий этилади.

1. Аҳоли томонидан фойдаланилган табиий газ учун тарифлар*)

Т/р	Кўрсаткоч	Стандарт ёки ТУ	Ўлчов бирлиги	Ўлчов бирлиги тарифи (сўм)
1.1	Газ ўлчагичи бор аҳолига етказиб бериладиган газ	ГОСТ 5542-87	10м ³	2 260,00
1.2	Газ ўлчагичи йўқ аҳолига етказиб бериладиган газ: овқат пишириш ва иссиқ сув таъминоти учун Иситиш учун	--	10м ³ 10м ³	3 908,30 1 812,50

2. Газ ўлчагичлари йўқ ҳолатда коммунал-рўзгор эҳтиёжларига ишлатилган газ учун тарифлар (ГОСТ 5542-87)

Т/р	Истеъмолчи тавсифи	Ўлчов бирлиги	Тариф бўйича тўловлар	
			Йиллик*	Ойлик
2.1	Марказий (якка) иссиқ сув таъминоти бор уйларида овқат пишириш газ плиталари	Бир яшовчидан 11,0м ³	51 589,80	4 299,15
2.2	Газа сув иситиш ускунаси ҳамда марказий иссиқ сув таъминоти йўқ уйларида овқат пишириш газ плиталари	15,0м ³	70 349,40	5 862,45
2.3	Марказий иссиқ сув таъминоти бўлмаган ёки вақти-вақти билан ишлайдиган иссиқ сув таъминоти бор уйлари иссиқ сув билан таъминлаш учун газли иситкичлар	16м ³	75 039,80	6 253,30
2.4	Иситиш газ ускуналари туридан қатъи назар, уй ва квартираларни беш ойлик иситиш мавсуми давомида иситишда газдан фойдаланганлик учун ойга: Корхоналарнинг Республикаси ва Хоразм вилоятлари Тошкент шаҳри ва бошқа вилоятларда	Хонанинг 1м ³ учун 6,0м ³ Хонанинг 1м ³ учун 5,76м ³	5 437,50 5 220,00	1 087,50 1 044,00
2.5	Дағал ва илдиэмевали озуқаларни буглаш ҳамда ичириш ва санитария максадлари учун сув иситишни ҳисобга олган ҳолда молларга озуқа тайёрлаш	Отга 5,6м ³ Сигирга 23,7м ³ Қўй (ёқиға) 2,2м ³ Чўчқага 12,5м ³	26 263,80 111 151,80 10 318,20 58 824,80	2 188,85 9 262,85 859,85 4 885,40

*) Иситиш ҳақи беш ойлик иситиш мавсуми давомида тўланади.

Реестр № 19-03-22-06-ЎЗР-8-2016 улгуржи истеъмолчилар ҳамда иссиқлик таъминоти корхоналарига етказиб бериладиган табиий газнинг

УЛГУРЖИ НАРХЛАРИ

2016 йил 1 апрелдан жорий этилади

Кўрсаткичлар	Ўлчов бирлиги	Улгуржи нархлар (ҚҚС билан сўмда)
Улгуржи истеъмолчиларга ҳамда иссиқлик таъминоти корхоналарига етказиб бериладиган табиий газ	1000 куб.м	226 000

Эътибор:
1. Табиий газ калория учун қайта ҳисоб-китобга берилмайди.
2. Улгуржи истеъмолчиларга табиий газнинг улгуржи нархи унинг физик-кیمیёвий қўрсаткичларидан қатъи назар, ягона ҳисобланади.
3. Мазкур реестрга амал қилина бошлагани билан 2015 йил 15 сентябрдаги № 19-03-22-05-ЎЗР-91-2015 реестри ўз кучини йўқотди.

"NEW TRANS ALLIANCE" МЧЖ

"Тошкент ҳақиқати" газетасининг 2016 йил 12 март кундаги 21 (12865)-сонлида чоп этилган эълондаги "бошланғич баҳоси: 44 443 000 сўм бўлган, Қибрай тумани СИБнинг 16.12.2015 йилдаги 21723-сонли ижро ҳужжатига асосан хатланган, 2014 йилда ишлаб чиқарилган, давлат рақами 10 D 808 LA бўлган "Кобалт" русумли автотранспорт воситаси" сўзлари техник хато туфайли чоп этилганлиги сабабли, аукцион савдоларидан олинди.

"VIP REAL ESTATE" МЧЖнинг АУКЦИОН САВДОЛАРИГА МАРҲАМАТ!

2016 йил 22 апрель кунини соат 12.00 да мулкнинг бошланғич баҳоси босқичма-босқич ошириш тартибда ўтказиладиган "Очқ аукцион" савдосига қуйидаги мулклар қўйилмоқда: ЖИБ Тошкент вилояти Янгийул туман судининг 23.09.2015 йилдаги 1-530-15-сонли ижро варақасига асосан, Янгийул туман СИБ томонидан хатланган, бошланғич баҳоси 204 863 836 сўм бўлган, Тошкент вилояти, Янгийул тумани, Халқобод ҚФЙ ҳудудида жойлашган, умумий майдони 0,79 га да қурилган, 7 та Литердан иборат бўлган "Гараж бино-иншоотлари": Тошкент вилояти Хўжалик судининг 20.10.2014 йилдаги 11-1434/3635-сонли ижро варақасига асосан, Бўка туман СИБ томонидан хатланган, бошланғич баҳоси 337 997 085 сўм бўлган, Тошкент вилояти Куйи Чирчиқ туманида жойлашган, дробилка КМД-1200, дробилка СМД-108, 2 та грехот ГИЛ-42, 2 та загрузочный бункер, 2 та конвейер 10 м, 3 та конвейер 12 м, конвейер 15 м, трансформатор КТП 250-10/04У1 дан иборат асбоб-уқсуналар. Савдога чиқарилган мулклар билан тегишли туман СИБ бўлими вакили иштирокида бевосита жойга чиқиб танишиш мумкин. Аукцион савдоси голиби савдо ўтган кундан бошлаб 5

(беш) банк кун ичида мулк учун тўловларни амалга ошириши лозим. Аукцион савдоларида иштирок этиш учун талабгорлардан аризалар иш кунлари соат 10.00 дан 18.00 гача қабул қилинади ва аукцион савдосидан бир кун олдин соат 12.00 да тўхатилади. Аукцион савдоларида қатнашиш истагидаги талабгорлар тузиладиган закалат келишувига асосан мулк бошланғич баҳосининг 10 (ўн) фоиздан кам бўлмаган миқдордаги тўлов ҳужжатига ижро ҳужжати рақами ва санасини кўрсатган ҳолда савдо ташкилотчисининг АТБ "InfipBANK"даги МФО 01041, ИНН 302681189, 20208000600250595001 ҳисоб рақамига тўлашлари ва ариза билан қуйида кўрсатилган ҳужжатларни топширишлари керак: жисмоний шахслардан - паспорт нусхаси; юридик шахслардан - паспорт нусхаси; юридик шахслардан - давлат рўйхатидан ўтказилганлиги тўғрисидаги гувоҳнома нусхаси, агар ваколатли шахс қатнашса, ўрнатилган тартибда расмийлаштирилган ишончнома, унинг шахсини тасдиқлайдиган ҳужжат илова қилинган ҳолда; закалат пули тўлаганлиги ҳақида тўлов ҳужжати; чет эл юридик ва жисмоний шахслар - сўмдаги маблағларнинг келиб чиқиши қонунийлигини тасдиқлайдиган маълумот. Қўшим-

ча хизматлар кўрсатиш учун тўлов олинади. ДИҚҚАТ ТУЗАТИШИ! "Тошкент ҳақиқати" газетасининг 08.03.2016 йилдаги 20-сонлида ЖИБ Тошкент вилояти Қибрай туман судининг 19.03.2012 йилдаги 1-49/12-сонли ижро варақасига Бўстонлиқ туман СИБ томонидан хатланган, Тошкент вилояти, Бўстонлиқ тумани, Нанай ҚФЙда жойлашган, умумий ер майдони 326,0 кв.метр, фойдали майдони 61,75 кв.метр, 3 та яшаш хондан иборат дала ҳовлининг бошланғич баҳоси 50 913 900 сўм ўрнига 45 822 510 сўм деб ўқилсин. ФИБ Тошкент вилояти Чирчиқ туманлараро судининг 15.01.2015 йилдаги 1-407/16-сонли ижро варақасига асосан Бўстонлиқ туман СИБ томонидан хатланган Тошкент вилояти, Бўстонлиқ тумани, Газаалкент шаҳри, Муस्ताқиллик кўчаси, 50/21-уйда жойлашган, умумий майдони 58,90 кв.метрдан иборат тураржой бизнесининг бошланғич баҳоси 82 500 000 сўм деб ўқилсин. Қўшимча маълумот олиш учун манзил: Тошкент шаҳри, А.Темур 1-тдор кўчаси, 6-уй. Телефон: (095) 143-0-143, e-mail: info@realtors.uz. Лицензия рақами RR 0173.

"KOP TARMOQLI KO'SHMAS MILK SAVDO" МЧЖ бошланғич баҳоси босқичма-босқич охиб бориш тартибда ўтказиладиган очқ аукцион савдосига тақлиф этади

Аукцион савдосига Яшнобод тумани СИБ томонидан Фукарлик ишлари бўйича Учтепа туманлараро судининг 17.11.2015 йилдаги 1-5918/15-сонли ижро варақасига асосан; бошланғич нархи - 250 000 000 сўм бўлган, Тошкент шаҳар, Чилонзор тумани, Бердах кўчасида жойлашган, юридик ҳужжат бўйича ер майдони 426 кв.м., умумий фойдаланиш майдони 59,80 кв.м.дан иборат бўлган 48-уй "тураржой (ҳовли)" қўйилмоқда. Аукцион савдолари 2016 йилнинг 19 апрель кунини соат 11:00 да Тошкент шаҳар, Олмазор тумани, Боруний кўчаси, 83-уйда жойлашган 311-хонада бўлиб ўтади. Ушбу савдоларда қатнашиш учун талабгорлар мулк бошланғич баҳосининг 10 фоиздан кам бўлмаган миқдорда закалат пулини "KOP TARMOQLI KO'SHMAS MILK SAVDO" МЧЖнинг АТБ "Ипотек банк" Шайхонтоҳур филиалидаги 20208000104931635001 ҳисоб рақамига тўлашлари шарт, МФО 00425, ИНН 207128747, ОКОНХ 83400. Савдога қўйилган мол-мулклар билан тегишли суд ижрозилари бўлимининг вакили иштирокида бевосита жойга чиқиб танишиш мумкин. Аукцион савдоларида иштирок этиш учун талабгорлардан ариза ва бошқа тегишли ҳужжатлар расмий иш кунлари соат 9.30 дан 17.00 гача қабул қилинади. Аукцион савдоларида иштирок этиш учун талабгорлардан ариза ва бошқа тегишли ҳужжатларни қабул қилиш қилошди савдоси ўтказилишига бир иш кунини қолганда соат 17.00 да тўхатилади. Мурожаат учун манзил: Тошкент шаҳар, Олмазор тумани, Боруний кўчаси, 83-уй, 311-хона. Телефонлар: 249-54-59, 249-53-61. Лицензия: № 0039.

"REALTOR GARANT BUSINESS" МЧЖ бошланғич баҳоси босқичма-босқич охиб бориш тартибда ўтказиладиган очқ аукцион савдосига тақлиф этади!

2016 йил 6 апрель кунини соат 11.00 да бўлиб ўтадиган очқ аукцион савдоларида Тошкент вилояти, Оққўрғон тумани СИБ томонидан Фукарлик ишлари бўйича Урта Чирчиқ туманлараро судининг 08.09.2015 йил кунги № 6320-сонли ижро варақасига асосан хатланган, Тошкент вилояти, Оққўрғон тумани, Ойбек кўчаси манзилида жойлашган Умумий фойдаланиш майдони 0,15 га, Литр 0001 - 388,08 кв.м. Автомобиль ювиш жойи бино-иншоотлари. Бошланғич баҳоси: 50 000 000 сўм миқдорда тақроран қўйилмоқда. Аукцион савдолари Тошкент шаҳар, Миробод тумани, Бухоро кўчаси, 10-уй манзилида бўлиб ўтади. Юқоридаги кўчмас мулк билан тегишли суд ижрозилари бўлими вакиллари иштирокида бевосита жойга чиқиб танишиш мумкин. Аукцион савдоларида иштирок этиш учун талабгорлардан аризалар ҳар кун (дам олиш ва байрам кунларидан ташқари) соат 10:00 дан 18:00 гача қабул қилинади ва савдолар бошланишига бир иш кунини қолганда соат 18:00 да тўхатилади. Аукцион савдосида қатнашиш истагида бўлган талабгорлар мулк бошланғич баҳосининг 10 фоизи миқдоридан кам бўлмаган закалат пулини тўлов ҳужжатига ижро ҳужжати рақами ва санасини кўрсатган ҳолда ҳар бир мулк учун алоҳида тартибда савдо ташкилотчиси - "REALTOR GARANT BUSINESS" МЧЖнинг ХАТБ "Universal Bank" Тошкент шаҳар филиалида қуйидаги ҳисоб рақамига тўлашлари шарт: 2020800090483605003, МФО 00998, ИНН 207125885. Аукцион голиби сотиб олган мулк қийматининг 5 банк кунини мобайнида тўлалигича тўлаши шарт. Манзил: Тошкент шаҳри, Миробод тумани, Бухоро кўчаси, 10-уй. Телефон: (8371) 233-09-38. Ички 258. Лицензия: RR-0052.

"KOP TARMOQLI KO'SHMAS MILK SAVDO" МЧЖ бошланғич баҳоси босқичма-босқич охиб бориш тартибда ўтказиладиган очқ аукцион савдосига тақлиф этади!

Аукцион савдосига Яшнобод тумани СИБ томонидан Фукарлик ишлари бўйича Учтепа туманлараро судининг 17.11.2015 йилдаги 1-5918/15-сонли ижро варақасига асосан; бошланғич нархи - 250 000 000 сўм бўлган, Тошкент шаҳар, Чилонзор тумани, Бердах кўчасида жойлашган, юридик ҳужжат бўйича ер майдони 426 кв.м., умумий фойдаланиш майдони 59,80 кв.м.дан иборат бўлган 48-уй "тураржой (ҳовли)" қўйилмоқда. Аукцион савдолари 2016 йилнинг 19 апрель кунини соат 11:00 да Тошкент шаҳар, Олмазор тумани, Боруний кўчаси, 83-уйда жойлашган 311-хонада бўлиб ўтади. Ушбу савдоларда қатнашиш учун талабгорлар мулк бошланғич баҳосининг 10 фоиздан кам бўлмаган миқдорда закалат пулини "KOP TARMOQLI KO'SHMAS MILK SAVDO" МЧЖнинг АТБ "Ипотек банк" Шайхонтоҳур филиалидаги 20208000104931635001 ҳисоб рақамига тўлашлари шарт, МФО 00425, ИНН 207128747, ОКОНХ 83400. Савдога қўйилган мол-мулклар билан тегишли суд ижрозилари бўлимининг вакили иштирокида бевосита жойга чиқиб танишиш мумкин. Аукцион савдоларида иштирок этиш учун талабгорлардан ариза ва бошқа тегишли ҳужжатлар расмий иш кунлари соат 9.30 дан 17.00 гача қабул қилинади. Аукцион савдоларида иштирок этиш учун талабгорлардан ариза ва бошқа тегишли ҳужжатларни қабул қилиш қилошди савдоси ўтказилишига бир иш кунини қолганда соат 17.00 да тўхатилади. Мурожаат учун манзил: Тошкент шаҳар, Олмазор тумани, Боруний кўчаси, 83-уй, 311-хона. Телефонлар: 249-54-59, 249-53-61. Лицензия: № 0039.

O'zLiDeP Тошкент вилояти кенгаши партиянинг Чиноз тумани кенгаши раиси
Анвар БҲРИЕВНИНГ
вафоти муносабати билан унинг оила аъзолари ва яқинларига чўқур таъзия изҳор этади.

ОРАСТА ҚИЗЛАР ШИЖОАТИ

Интилиш

"Юртимизда қиз болаларнинг – бўлғуси оналарнинг ҳам жисмоний, ҳам маънавий соғлом бўлиб вояга етиши, уларнинг ўрта мактабдан сўнг лицей ва коллежларда албатта таълим олишини таъминлаш, замонавий касб-хунарларни эгаллаши бугунги кунда давлат сиёсати даражасига кўтарилган".

Мамлакатимиз раҳбарининг ушбу сўзлари вилоятимизда ўтказилаётган қатор маънавий-маърифий, маданият ва спорт тадбирларида ҳам ўз ифодасини топмоқда. Бўстонлик тумани Товоқсой кўрғонидagi 12-умумтаълим мактабда "Ораста қизлар" тўғраги аъзолари билан ўтказилган ҳафта-

лик, хусусан "Спорт – саломатлик гарови" шиори остидаги мусобақа қизларнинг ҳам жисмоний, ҳам маънавий соғлом бўлиб вояга етаётганини кўрсатди. Дастлаб, "Ораста қизлар" тўғраги ягона режаси бўйича ҳафта давомида ўқувчи қизлар билан олиб борилган ишлар, спорт мусобақа-

лари ҳақида суҳбатлашилди. Шунингдек, улар маънавий-маърифий, интеллектуал салоҳиятларини экранда слайдлар орқали намойиш этишди.

Тадбирда иштирок этган вилоят ҳокимининг ўринбосари, хотин-қизлар кўмитаси раиси Сайёра Файзиева туманнинг ораста

қизлари фаолиятига ижобий баҳо бериб, бу ишларни мактабларда жисмоний тарбия фани ўқитувчилари билан биргаликда янада тўлақонли давом эттириш зарурлигини таъкидлади. Сўнг, "Ораста қизлар" тўғраги аъзолари ва ўқитувчи аёллар қўл тўпи бўйича ўзаро беллашилди.

Мусобақа якунида тумандаги барча мактабларнинг жисмоний тарбия фани мутахассислари билан шундай қизиқarli ва фойдали тадбирларни илчил ўтказиб бориш юзасидан тавсиялар берилди.

Санда РАҲМОНОВА.

Шукух

Шашрифиндан айланай,
қаро кўзим, Наврўзим!

Абу Райҳон Беруний "Шарқ халқларидан қолган ёдгорликлар" деб аталмиш шоҳ асарида Наврўз ҳақида қизиқ маълумотлар келтирди. Алломанинг ёзишича, Наврўз кун тонг отганда хонадон эгалари бир-бири билан сўзлашмасдан туриб, уч қошиқ асал ялаб, уч бўлак мушки анбар тутатсалар, йил бўйи бу уйда яшовчилар касалликка чалинмас эмиш.

Беруний эронликлар Наврўз куни бир-бирига шакар ялатадилар, деб таъкидлайди ва тавсия этади.

Маҳмуд Кошғарийнинг "Девони луғотит-турк" қомусий китобида Наврўзга, умуман баҳорий байрамга бағишланган кўплаб халқ термаларини учратиб мумкин. Шулардан бири мана бундай:

Қақраган ер кўл бўлди,
Тоғлар боши хўл бўлди,
Дунё томи исиди
Гул-чечаклар очилур.

Халқ оғзида бундай шеърин битиклар талайгина. Ақалли бола вақтимизда айтиб юрадиган ўша машҳур кўшиғимизни эслайлик:

Юмшоқ ердан юмалаб чиққан
бойчечак,
Қаттиқ ердан қаталаб чиққан
бойчечак.

Ховлимизда аёлгиналар сумалакка ҳозирлик кўраётдилар. Болалар чопқиллаб ўтин теради, ёш келинлар ун элайди, кайвони момолар бугдой кўмагини майдалаб сувини ирим қилиб қош-кўзларига суртаётдилар. Уларга боқиб, бегубор болалигим ёдимга тушди. Биз бобомлар билан бир ховлида турардик. Аямажиз чиқиб, Наврўз яқинлашганда бобом етти хил дон олиб кичкина ҳовончада турарди. Булар: бугдой, арпа, тарих, нўхат, мош, жўхори, ловия бўларди. Халиги донлар обдон янчилгач, аям уларни қайнатиб, ҳалимга ўшшаган бир таом пиширарди. Уни еган одам келаси йил Наврўзга соғ-саломат юрар эмиш. Биз бир ошам-бир ошамдан еб, қаноат қилардик.

Ёмғир ёғса, аям бўғотдаги тарнов-қўғиш остига тоғора қўйиб қўярди. Кейин укаларимни ёмғир сувида чўмилтирарди. Наврўз суви-га чўмилган одам бир йилгача оғри-

«Бошланиш 1-бетда».



май, келаси йилга етиб олар экан. Қишлоғимиз уч тарафдан қирлар билан ўралган. Бизларда лалми, яъни қайроқи галла кўп экиларди. Биласиз, лалми эккан деҳқоннинг кўзи осмонда бўлади. Ёғин-сочин бўлса, Худо бергани – хирмони тўлади, бўлмаса насибасидан айрилади. Шунинг учун йил куруқ келиб, Наврўзга ҳам осмондан бир том-маса, бобомиз бизга варрак ясаб беради. Уни ҳавога учуриб, катта энамиз ўргатган кўшиқни айтиб Худодан ёмғир сўраймиз. Кўшиқ негадир "Суст хотин" деб аталарди.

Суст хотин, султон хотин,
Кўланкаси майдон хотин,
Деҳқонларни ғам босди,
Омочини чанг босди.
Ҳаво ёғсин севалаб,
Бўри қочсин жебалаб,
Бугдой бўлсин зарчалаб,
Сағир – етим қолганлар
Нонни есин парчалаб.

Сумалакни-ку, айтмасам ҳам бўлади. Наврўз неча кун бўлса, бизда шунча кун сумалак қайнатилади. Катта қора қозон атрофида ёшлар қалдирғочдай терилиб ўтиради. Энг кекса онахон фотиҳа бергач, қозон-га қалақ урилади. Шу-шу, ёғоч куракча қўлдан-қўлга ўтади. Ҳамма савобга шерик бўлишга уринади.

Чор атрофни ёритиб чалма-машъал пориллаб ёнади, қозон вақир-вақир қайнайди. Салима холам чилдирмасини қўлига олиб, лапарини бошлади. Ёш-яланг, айниқса, бўй этган қизлар даврандан чиқмай уйнайди. Ана шу сумалак пишиди кун охиқ йигитлар маъшуқасини

топади, яна бир уйга келин тушади, бир уй қувелик бўлади. Наврўз кунлари тўй тўйга уланади.

Биз тарафларда яхши бир одат бор. Тўйдан олдин кўв бола жўралари билан қаллиғининг уйига келиб, ҳашар қилади. Ё томини суваб беради ёки томорқасини чопида, қуриган дарахтни йиқиб ўтин қилади, тўнасини кўпориб ёради. Беда-си ё ҳашаги етилган бўлса, ўриб ҳам беради. Энг қизиғи шуки, кўв жўралар бу юмушларни бажараётганда сурнайчи сурнай чалиб, чилдирма-чи доирасини даранглаб туради.

Ҳашар тугагач, қиз томон кўв жўраларга зиёфат қилиб беради. Зиёфатда оз-оздан бўза ҳам ичилади. Бўза, асосан тариқдан тайёрланади.
Наврўз сайри бир ҳафта, ўн кун давом этади. Кейин қўша, яъни ер ҳайдашга киришилади. Деҳқон ҳўкиз қўшилган омочи билан далага чиқади. Ҳўкизнинг шохини кўчор ёғи билан мойлайдилар. Кейин киш-лоқдаги энг қари отахон фотиҳа беради ва ўзи бир-икки қадам омоч суради. Иримига бир ҳовуч донни ерга сочиб эл-юртга риқ-рўз тилайди. Шундан кейингина қўш ҳайдашга киришадилар.

Наврўзни ўйлаб, ана шундай ёруғ хотиралар кучоғида қолдим. Навойи бобо "Ҳар тунинг кадр ўлибон, ҳар кунинг бўлсин наврўз" дейдилар. Мен ҳазратнинг ўша машҳур ғазалидаги икки табаркур калимани такрорлаб, "Хуш келибсан, қаро кўзим, Наврўзим!" дегим келади.

Саъдулла СИЁВ.

«Ўзбектелеком» АК
Тошкент филиали
барча юртдошларимизни,
вилоятимиз аҳолисину

Наврўзи олам

билан самимий муборакбод этади.
Мамлакатимизнинг дунё миқёсидаги
обрўси, шон-шухрати янада ошаверсин.
Халқимизнинг тинчлик ва тараққиёт
ўўлидаги қадамлари бунданга салмоқли бўлсин.
Истагимиз, ҳар гўшада байрам
таровати ҳукм сурсин.
Кўнгимарга фараҳбахш
орзулар, истиқболми
умидлар ҳамроҳ бўлсин!



– Дугонажон, ҳорманг, қалайсиз энди,
Биз билан сумалак қалайсиз энди...

Қобилжон ҲОҲУРОВ сурат-лавҳаси.

БИР ОҒИЗ
ШИРИН СЎЗ

"Санъат гулшани" маданият саройида Ўзбекистон Кўзи ожизлар жамияти вилоят бўлими байрам тадбири уюштирди.

Рағбат

– Мақсадимиз жамият аъзолари кўнглини кўтариш, – дейди ташкилотнинг вилоят бўлими раиси Замира Раҳимова. – Зеро, уларга икки оғиз ширин сўз, озгина эътибор ва рағбатнинг ўзи қифоя.

Тадбир доирасида "Балли қизлар" кўрик-танлови ташкил этилиб, қизлар билим ва маҳоратларини намойиш этидилар. Таништирув, савол-жавоб, пазандлик, эркин мавзу каби шартлар бўйича беллашувда парктентлик Дилдора Муслимовага тенг келадигани топилмади. Бўстонликдан келган Нурсулум Бахтибоева иккинчи ўринга лойиқ кўрилди.

Ғолиб ва совриндорларга мутасадди ташкилотларнинг фахрий ёрлик ва эсдалик совғалари топширилди.

Илмира ЛАЗИЗОВА.

Дарвоқе...

Наврўз остана ҳатлаши билан, йил тақвимию, мунажжимлар башоратлари рисоаларини қидириб қоламиз. Ният битта – йил қандай келиши-ю, унинг нима хосиятлари борлигини билиши.

Қаршилаётганимиз – маймун йили ҳақида қатор маълумотларни топдиг-у, сўзнинг луғавий маъносига келганда буюқ мутафаккир бобомиз Алишер Навойининг "Саҳди Искандарий" достонидида:

Келиб ҳар бири кеча
андоқ-ки, бум,
Мувофиққа маймун,
мухолифқа шум,

Тўққизинчи мучалнинг хосияти

миралар ёдимизга тушди. Буни қарангки, маймун сўзи арабчадан олинган бўлиб, мазмуни "бахтли", "бахтиёр", "саодатли" экан.

Хуллас, маймун – ўн икки йиллик мучал ҳисобининг тўққизинчиси.

балиқ, илон, от, қўй, маймун, товуқ, ит, тўнғиз номи билан аталади.

Манбаларда маймун йилида тутилган ҳақидаги фикрлар бир-бирдан тубдан фарқ қилади. Ай-

дейлади, шу боис улар билан муомалада ҳушёр бўлиш тавсия этилади. Маймун йилига мансубларнинг хотиралари ўткир бўлиб, арзимас тўсиқ дилларини хира қилиши, режаларини бузиб юбориши

мумкин экан. Нима дейсиз – аксарияти қатъиятсиз ва кўрқоқ бўларкан.

Шунингдек, интернет тармоқларида эса, уларга "бўлаётган воқеалардан доимо хабардорлар" дея таъриф берилибди.

Нима бўлганда ҳам буларнинг бари нисбий фикрлар. Табиатда уларнинг оилапарварлигидан далолат. Демак, бу мучалда тутилганлар учун энг муҳими – оила тинчлиги, фарзандлар камолидир.

Ирода МАҚСУДОВА тайёрлади.

ТОШКЕНТ ҲАҚИҚАТИ
ТАШКЕНТСКАЯ ПРАВДА
Муассис:
Тошкент вилояти ҳокимлиги

Бош муҳаррир
вазифасини бажарувчи
Ғайрат ШЕРАЛИЕВ

Маънавий:
100000,
Тошкент шаҳри,
Матбуотчилар
кўчаси, 32.
Электрон почта:
thaqiqat@uamail.uz

Қабулхона:
Бўлим муҳаррирлари ва
муҳбирлар:
Шарғнома ва эълонлар:
Ҳисоб-китоб бўлими:

Телефонлар:
233-64-95, 233-55-39,
233-58-85 (факс).
233-38-23, 233-48-08.
233-81-21, 233-65-59.
233-54-10.

Тошкент вилояти Матбуот ва
ахборот бошқармасида 2011 йил
12 январда 03-001 рақами билан
руйхатга олинган.
Газета «Тошкент ҳақиқати»
тахририяти компьютер марказида
терилди ва саҳифаланди.

Навбатчи муҳаррир
Назбек ХУДОЙҚУЛОВ
Навбатчи
Муқаллис ИСРОИЛОВА
Саҳифаловчи
Тоҳир МАҲМУДУЖАЕВ